

## JOHANE I

Asia mârenj masunao Jesure kikefunj gurune gurune jurambinj. Eme Paulo â Petoro jahe hâmoħpire Johanezi Efeso haeo ra juwec. Ira juhuc hae sâc mitinjic ħokac jurambinj jahe mac ejarewec. Mamac ejarehuc juhame jara 23 tarawec. Eme papia I qârenjkewec i ħic i jaħere binje qârenjkewec hâcne. Petorozi qanaħ jaha ħic ijaha papia jajahec râe-jarewec. Eme papia-ticnezi mitire mumusifuc â bâbâsifuc fowec i hehâmowec. Hehâmohame šâhec moc fuawec. Ine ħic moc šâħene Kerinti eki kecšinjuc muwec: Kristo â Jesu jahere funje bârâwiħ. Kristo e ħic sahachec mi fuawec. ħic omane moc juwec šâħene Jesu e Johanezi Miti Opâ ruacneme erao Kristozi hapâ hawari injucne wahawec. Erâ Jesuhec juhame mariponjko qazo ehapie Kristo e beherâ sambânjko risie fewec. Burecdânj i hâcne haħ bazo eme Johanezi hehâmoocte papia ši râe-jarewec.

Dânj qizecne kecšinjuc qârenjkewec: Wofunj e tatamac rune irec naru motecfâcne tatamackoa juhuc dâpâckonec wiac qikinjezo (gaħ 1 â 2-1-17). Erâ dânj qizecne moc: Kristore râsifâc junħopienj jahe Anutu Mamac â ħokâ-ticne bârâwiħ-jofazo muħħopienj jaħere sawaħ qahuc juzo (gaħ 2:18-29 â 4:1-6). Dânj qizecne moc: Anutu e maħjaunj sokawec jâmbânj eħarewecte sâqocne ħeħkehuc maħjaunj eec ezo (gaħ 3). Erâ moc: Anutu e maħjaunj irec funjqizecne jukac eme nânjâc âħofâc-nânjâc maħjaunj ejarepene Anuturao qacneocmu

(gañ 4:7-21 â 5:1-4). Erâ moc: Jesu e Anuture Nokâ muhuc e manasiñkenañmuo ine sisipiric hatao mi rahuc juju sanañ rauckenañmu (gañ 5:5-21).

### *Mumušâwe dân*

<sup>1</sup> Fuñnaonecteañ fowarehuc juwec, eme hazeczi manambenñ â šâñe-nâñeczi honembenñ, erâ hone dendennehuc mezi ba bâuac ecnembenñ, i juju sanañte Micdân hâcne. <sup>2</sup> Juju fârine fua tâcneme honembenñte juju sanañte biñedân hâcne mufuarâ ñazaengopenenñ. Juju sanañ i Mamactao fowarehuc juku nâñerao fomârâñkewec. <sup>3</sup> Ine hâcne wiac hone manac embenñ ijaha ñoñe wâc ñazaengopenenñ. Ñazapene manapie miriñ-nâñec fuame mocjaha junañte hâcne muengopenenñ. Eme miriñ babac-nâñec i Mamac â Nokâ-ticne Jesu Kristo erao qâsiñnerâ foekac. <sup>4</sup> Inuc fuame bubiañ-nâñec fua qârâñke taraocte papia ši hâcne qârenñke-ñarekopac.

### *Tatamacko juhuc sâqocnere hehesoñ mi bajuzo*

<sup>5</sup> Dân biñe Jesuraonec kecšiñuc manambenñte ñazaengopenenñ: Anutu e tatamac, dapâc i erao moc mi fohuñgañkekac. <sup>6</sup> Nâñâc dapâcko juhuc Anuturao qohotañgopenenñ mupene burec eocmu â dân fâri qizecne mi bajunañmu. <sup>7</sup> E jahacne tatamacko jukac inuc jaha wâc nâñâc tatamacko junañmu, ine miriñ babac sâcne enañmu, eme Nokâ-ticne Jesu Kristo ere soczi sâqocne-nâñec šureme qaqaçkenañmu. <sup>8</sup> Nâñâc sâqocne-nâñec mi fokac, inuc munañmuo maññâñec ea-tuckenañmu â dân fâri qizecne maññâñecko mi foocmu. <sup>9</sup> Á sâqocne-nâñec mufuanañmuo

ine e mume sasanaj â tiņne runezi sâqocne-nâņec šurehuc bahac-nâņec nâwoc rofâreocmu. <sup>10</sup> Nâņac sâqocne mi baenņopeneņ, iņuc mupene Anutu burecņic mucneņopeneņ eocmu â dâņticne maņnâņecko mi foocmu.

## 2

### *Anutu dâņticne reņkehuc erao sâcne qohotazo*

<sup>1</sup> Naru motecfâc-nane, ņoņe sâqocne banšipiņte dâņ i qâreņke-ņarekopac. Á moc e sâqocne baocmu, ine Mamactao sacfozic-nâņec Jesu Kristo e tiņne runezi jukac, irec manasujejec. <sup>2</sup> Eki hâcne sâqocne-nâņecte kiwiric rowec, erâ nâņacne sawa mâcne, mâreņ sâc ņic jaņere mâmâc rowec. <sup>3</sup> Anutu mana maņ eenņopeneņ, ine sâcmutâc dâņticne mana rereņ epene fuņne jaņeņkeme mananaņmu. <sup>4</sup> Á ņic moc e sâcmutâc dâņticne mana rereņ mi ehuc muocmu, “No Anutu mana maņ eekopac”, ere burecņic muzo, ņic iņucnere maņko dâņ fâri qizecne mi fokac. <sup>5</sup> Moc e ine Anuturo dâņ mana rereņ eocmu, e jâmbomac Anutu maņjauņ fârine ecneocmu. Iņuc ehuc ine Anuturao qohotaenņopeneņ irec fuņne taniņkeme mananaņmu. <sup>6</sup> Moc e Anuturao qohotahuc jukopac muocmu, e Jesu juwec irec sâcko jaha juzejec.

### *Âgo erâ tatamacko juhâmozo*

<sup>7</sup> Jorocfâc-nane, no sâcmutâc dâņ qâricne moc mi qâreņke-ņarekopac, i raņqane, fuņnaonec mana wefuhuc juenņopieņ i hâcne. Dâņ qazu-ņarekiecne irec hâcne sâcmutâc dâņ raņqane

mukopac. <sup>8</sup> Erâ dân qârenkekopac i sâcmutâc dân qâricne wâc ekac, i Jesurao â ñoñeroao mâmâc fârine ekac. Ine fuñne šiñucte: Dapâc rarunkehame tatamac fârinezi fua tâcnehuc fokac. <sup>9</sup> Eme ñic moc e âgo-ticne qaisockeekaczi “no tatamacko jukopac” muocmu, ere dapâcko juweczi jukac muzo. <sup>10</sup> Á moc e âgo-ticne mañzi jaunkeocmu, e ine tatamacko sâcne juraocmu, ehuc sâqocne bâbâiñ moc mi bâfuaocmu. <sup>11</sup> Á moc e âgo-ticne qaisockeocmu, e ine dapâcko juocmu â dapâcte hatao raocmu, e dapâcko sâñe fime qinqunke me wemocko hata-ticne hone taraocmu.

### *Kâcqne piticne dân i mâmâc manazo*

<sup>12</sup> Naru motec ñoñe Jesu sâñe-ticnere erâ sâqocne bâtâmire-ñarekicnere dân qârenke-ñarekopac. <sup>13</sup> Mamac ñoñe juwarehuc juwec sanañ e mana mañ embiñte dân qârenke-ñarekopac. ñicmotec ñoñe sâqocne rune sanañkecnembiñte dân qârenke-ñarekopac. Naru motec ñoñe Mamac mana mañ embiñte dân qârenke-ñarekopac. <sup>14</sup> Mamac ñoñe juwarehuc juwec sanañ e mana mañ embiñte dân qârenke-ñarekopac. Ñicmotec ñoñe sasanañ-ñeñic fokac â Anuture dânzi maññeñicko fokac â sâqocne rune sanañkecnembiñte dân qârenke-ñarekopac.

### *Mañnâñec mârenkopec wiacte mi domazejec*

<sup>15</sup> Maññeñic mârenko me mârenñe wiacko mi râepie fozejec. Moc e mañticne mârenko râeme focmu, e wemocko Mamac mañjaun ecneocmu.

16 Mananġopien, mârenkopec wiac sasawa: Sahaczi sasec, šâjezi sasec â manzi fefe wiac, i Mamactaonec mâcne, i mârenkonec. 17 Eme mâren e sasec wiac-ticnehec siroweocmu, Anuture micdâġ mana reren eocmu e ine juhuc juocmu sananġ.

*Kristore râsi qizec fuaocte mukicne*

18 Naru motecfâc-nane, damenġ bembenġke-jâmbânġkekac” eme nġe Kristore râsi qizec fuaocte mukicne i mananġopien” eme ši biac râsifâcne bocjaha fuambinġ juranġopien” irec hâcne damenġ bembenġke-jâmbânġkekac i mananġopenenġ. 19 Jaġe fufua i nâġâcne nġondenġkonec fuambinġ, â âġo fârifâc-nâġec juju ine mi jumbinġ. Jaġe âġo fârifâc-nâġec jurâ muzac mi behec-nâponšapinġ. Behec-nâpombinġ i fuġne šinġuc taniġkeocte embinġ: Nâġâcnehec juenġopienġ jaġe âġo fârifâc-nâġec sasawa aricne. 20 Nġe ine Tiri runezi Mâro rua-ġarewecte mamanahec sasawa juġopienġ. 21 Nġe dâġ fâri qizecne kâuc baenġopienġ muhuc papia mi ġarenġke-ġarekopac. Aricne, nġe dâġfâri manaenġopienġe ġarenġke-ġarekopac. Erâ wâc šinġucte: Burec sasawa i ere manġaonec mi fuaekac.

*Anutu Mamac â ġokâ mi bârâwiġ-jofazo*

22 Burecġic i more muzo? Jesu e Kristo aricne, ġic moczi inġuc mume ere burecġic muzo. Mamac â ġokâ mic bacjofaocmu, ġic ere muzo, e Kristore râsi qizec. 23 Moc e ġokâ mickeocmu, e Mamac mâmâc qikinġeocmu, â moc e ġokâ muġaġackeocmu, e Mamac mâmâc sakareocmu.

24 Fuɲnaonecteaŋ mitidâŋ mana warehuc jumbiŋ i hâcne maŋke junšepieŋ. Mitidâŋ i maŋke jupie Nókâ â Mamac jahe iŋuc jaha maŋŋopahuc junicmu. 25 Wiac i Jesuzi biŋe qanârewec, juju sanaŋ hâcne.

*Mâro ruarâ juku Jesurao qacfiric domazo*

26 Maŋ bâsifuc eŋareŋgopieŋ jaŋere dâŋ iŋuc qâreŋke-ŋarekopac. 27 Noŋere ine ŝiŋuc mukopac, Mâro rua-ŋarewec i ŋoŋerao foomu, irec wemocte ŋic moczi mu qazuc eŋareocmu, i aricne. Mâro ruambiŋ eki dâŋ sasawa ŋaza qazuc eekac. Eme dâŋ i burec mâcne, i jâmbomac. Eme qazu-ŋarewec iŋuc maŋnao junšepieŋ. 28 Naru motecfâc-nane, ŋoŋe Kristo maŋnao junšepieŋ. Eme juku fua tâcneme qacfiric domanšepeneŋ, ehuc fifisi-ticnao mimišu qâšušu ehuc wise ŋeŋe uruŋ mi enšepeneŋ. 29 Anutu e tiŋne juekac, ŋoŋe iŋuc manaŋgopieŋko ine ŋic moc tiŋnea jume honerâ munšepieŋ, Anuturaonec fuawec.

### 3

*Anuture naru motecfâc juŋgopeneŋ irec fuŋne*

1 Mananŋopieŋ, Mamac-nâŋec e maŋjaun mo iŋucne enârehuc naru motecfâc-ticne munârewec. Eme i hâcne juŋgopeneŋ. Ŋic miti tâmiric jaŋe mi ŝâŋitac-nâpoenŋopieŋ, i Anutu e jahacne mi ŝâŋitambiŋ irec. 2 Âgo bianfâc-nane, nâŋâc ŝiŋuczia Anuture naru motecfâc juŋgopeneŋ, â juku sâc weninucne bâfuanaŋmu, ine biac mi fua taniŋkekac. ŝiŋuc ine manaŋgopeneŋ: Wofuŋ fua tâcneme juju

hawari-ticne honehuc sâc ijaha enañmu. <sup>3</sup> Eme moc e irec erâ worickehuc juocmuzi Wofuñ e qaqačne jukac inuçnea juocte mañticne emasañkeocmu.

*Sâqocne bahuc Satañte motec ezo*

<sup>4</sup> Moc e sâqocne baekac, e sâcmutâc dân qâsuaekac, sâcmutâc dân qâqâsua izi hâcne sâqocne fârine. <sup>5</sup> Á Jesure ine manaengopien, e sâqocne bârireocte fisiwec, erâ e jahacne ine bahac fâsâc juwec. <sup>6</sup> Moc e Jesuo juekaczi sâqocne mi baekac. Á moc e sâqocne baekac, e ine Jesu hone manac mi ecnewec. <sup>7</sup> Naru motecfâcnane, moczi moc mañ bâsifuc enãrezo mupie mi mananšepien. Moc e tiñne hata âteme ere ñic tiñne muzo, e Jesuzi juju tiñne juekac, inuç jaha juocmu. <sup>8</sup> Moc e sâqocne baocmu, e Satañte ñic. Satañ e sâqocne fuñnaonecteañ bawec bahuc juekac. Anuture Ñokâ eki Satañte gie imackeocte fisiwec hâcne.

*Anuture naru motec juhuc sâqocne bapa i mi fokac*

<sup>9</sup> Moc e Anuturaonec fuaweczi sâqocne mi baocmu. Anuturaonec jujure tâpiri focneham e Anuturaonec fuakicnezi wemocko sâqocne baocmu. <sup>10</sup> Anuture naru motec â Satañte naru motecfâc jañere fuñne šiñucko hâcne taniñkeme honezo: Moc e juju tiñne mi juocmu, e Anuturaonec mi mucnezo, â moc e âgo-ticne manjaañ mi ecneocmu, ere ijaha muzo. <sup>11</sup> Mitidâñ mana wareengopien i šiñuc hâcne: Mañzi Jauñ babac enšepeneñ. <sup>12</sup> Kaiñte hata mi âtenšepeneñ, e

sâqocne runere motec erâ qaticne qâhâmowec. Erâ wemocte qâhâmowec? Ine kecşinjucte: E Jahacne juju bapa sâqocne â qaticnere juju bapa bianne irec.

*Manjaun enârekicnere manjaun enşepeneŋ*

<sup>13</sup> Âgofâc-nane, miti tâmiriczi qaisoc-ŋopapie manapie inuc me inuc mi ezejec. <sup>14</sup> Nâhâcne şinjuc manaengopeneŋ: Hâmockonec wiserâ jujuo raşimbeŋ. Inuc ekicnere hâcne âgofâc-nâŋec manjaun ejarengopeneŋ. Moc e manjaun tâmiric juocmu e ine hâmocnea Juocmu. <sup>15</sup> Moc e âgo-ticne qaisockeocmu e şika qaqaŋic mucnezo. Eme ŋoŋe şika qaqaŋic jaŋere man-aengopieŋ, jaŋere maŋko juju sanaŋ mi fuarâ foomu. <sup>16</sup> Jesu e nâhâcnere erâ juju-ticne qikiŋnewecko manjaunte fuŋne şâŋitambeŋ. Eme nâhâc inuc jaha âgofâc-nâŋec jaŋere erâ juju-nâŋec qikiŋnenante munârekicne. <sup>17</sup> Ŋic moc e nânâ mafa mâriri-ticne fohame âgo-ticne waha qaqaŋe jume hone takirerâ bune bofaceocmu, ere muzu, maŋticnao Anuture manjaun mi fokac. <sup>18</sup> Naru motecfâc-mae, nâhâc jaun i dâŋzi â micbipiczi sawa mâcne, mezi â maŋzi banşepeneŋ.

*Anuture dâŋ reŋkehuc hâhâwicmâc juzo*

<sup>19</sup> Inuc epene dâŋ fâri qizecnere kikefun juŋgopeneŋ irec fuŋne taniŋkeme mananaŋmu. Eme maŋnâŋeczi mumu hehec enâreme Anuture maio sâcne bâmiriŋkenanmu. <sup>20</sup> Ehuc şinjuc munşepeneŋ: Anutu e maŋnâŋecte sâc mâcne, e sâc moc juhuc wiac mana-fâreekac.



21 Jorocfâc-nane, maññâñeczi mumu hehec mi enârehamo Anuture maio qacfiric sâcne junañmu. 22 Erâ micdâñ-ticne reñkehuc ere maio wiac ebac epene biankeekacte irec me irec numucnepene nâreekac. 23 Sâcmutâc dâñticne kecšijuc fokac: ñokâ-ticne Jesu Kristo ere šâñe manasiñkehuc mañzi jaun babac enšepeneñ. Inuc hâcne enañte munârewec. 24 Moc e sâcmutâc dâñticne reñkeocmu e Anutuhec mañmañ enicmu. Anutu mañkeñgopeneñ i Mâro nârewec eki mufua-nâreme manañgopeneñ.

## 4

### *Mâro fuñne fuñne junğopieñ*

1 Âgo bianfâc-nane, mâro kosa jañere dâñ mi mana šakienšepieñ. Mâro moc e Anuturaonec me mâcne, i mana taraniñte ruc banšepieñ. Porofete burecne wemo afecne fuambin juranğopieñ. 2 Anuture Mâro e šiñucko šâñitazo: Mâro moc e Jesu Kristo ñic fuawec i mutaniñkeocmu, e Anuturaonec inuc mucnezo. 3 Á mâro moc e Jesu mi mutaniñkeocmu e Anuturaonec mâcne. E Kristo râsi qizec-ticnere mâro inuc muzo. Ere manañgopieñ, e mâreñko fuaocte mukicne, eme šine hâcne biac fuakac.

4 Naru motecfâc-mae, ñoñe Anuturaonec, irec porofete burecne sananke-jarembiñ. Noñere mañko juekac ere tâpirizi mâreñko juekac ere tâpiri sirickekac hâcne. 5 Porofete burecne jañe mâreñkonec, irec mâreñkonec ñiczi dâñ mumu i muenğopieñ, mupie mâreñkoneczi hazec-jenjc râeñgopieñ. 6 Nâñâc ine Anuturaonec, eme

moc e Anutu hone šaņitac eekaczi dâņnâņec manaekac. Anuturaonec mi fuakicnezi ine dâņnâņec qikiņneekac. Dâņ fâri qizecnere mâro â bâbâsifuc mâro jahere fuņne iņucko hâcne šaņitaenġopeneņ.

*Anutu e maņjaunġe fuņne*

<sup>7</sup> Jorocfâc-nane, nâņâc maņjaunġ eec enšepeneņ. Maņjaunġ i Anuturaonec. Eme moc e maņjaunġhec juomu, e Anuturaonec fuakicnezi Anutu mana maņ eekac mucnezo. <sup>8</sup> Moc e maņjaunġ tâmiric juocmuzi Anutu šaņe rurunġkeocmu. Anutu e maņjaunġ irec fuņqizecne hâcne. <sup>9</sup> Anutuzi Ņokâ-ticne mocjaha e juju bâfua-nâreocġe mâreņko soreme wahawec ira hâcne maņjaunġ-ticne nâņâcnao fua taniņkewec. <sup>10</sup> Maņjaunġe fuņne šiuņuc fokac: Nâņâc Anutu maņjaunġ mi ecnemenġ, ekizia nâņâc maņjaunġ enârehuc Ņokâ-ticne soreme waharâ sâqocne-nâņecġe erâ kiwiric nâwoc rowec.

*Anuture maņjaunġ honehuc űiczi wâc eec enšepeneņ*

<sup>11</sup> Jorocfâc-nane, Anutu e maņjaunġ iņucne sâko enarewecġe nâņâc iņuc jaha maņzi jauņ babac ehuc juņšepeneņ. <sup>12</sup> Ņiczi Anutu hohone i moc mi ekicne, maņzi jauņ babac enaņmuo ine Anutu maņkenaņmu, eme maņjaunġ-ticne nâņâcnao fua sarickeocmu. <sup>13</sup> Eki nâņâc maņnâpoekac â nâņâc e maņkeenġopeneņ, irec fuņne ine Mâro-ticne nârewec ira taniņkewec. <sup>14</sup> Mamac e Ņokâ-ticne mâreņ sâc űic bâpiaņ-nâpooġe soreme wahawec, eme nâņe šaņe fâri-nâņeczi qame honemenġe dâņ i mutaniņkeenġopeneņ. <sup>15</sup> Eme űic

moczi Jesu e Anuturo Nokâ jâmbânj dân i mutaninkeocmu, e Anutu manjaucmu â Anutuzi wâc e mankeocmu. <sup>16</sup> Anutu manjauc-ticne nânâcnao fuawec i hone šânjitac erâ mana šakiembenj. Anutu e manjaucnte funqizecne, eme moc e manjauchec juocmu e Anutuzi mankeocmu, â eki wâc Anutu mankeocmu.

*Manjaucheczi hâhâwic me âgo qaqaicoc mi ezejec*

<sup>17</sup> Injucko nânâcnao manjauc fua tarawec, i okac damenjo qacfiric domanante. Jesuzi juekac injuc jaha nânâc wâc mârenjo šira juengopenenj hâcne. <sup>18</sup> Hâhâwic â manjauc jahe âgo aricne, manjauc fârinezi hâhâwic gurinjeocmu. Hâhâwic e šaic-ticnehec. Irec moc e hâhâwic bajuocmu, erao manjauc sâcne mi fua tarawec muzo. <sup>19</sup> Nânâc ine Anutuzi qanauc manjauc enarewecte manjauchec junšepenenj. <sup>20</sup> Njic moc e Anutu manjauc ecneekopac muhuc âgo-ticne qaisockeocmu, ere burecnjic muzo. Manajgopienj, moc e âgo-ticne šânjezi hohonene e qaisockehuc wemocko Anutu mi hohonene manjauc ecneocmu. <sup>21</sup> Jesure sâcmutâc dân šinjuc fonârekac: Anutu manjauc ecneekaczi âgo-ticne mâmâc ecnezejec.

## 5

*Anuturao qohotapene wiac moczi mi bawahac-nâpocmu*

<sup>1</sup> Njic moczi Jesu e Kristo muhuc mana šakieocmu, e Anuturao nec fuakicne muzo. Eme moc e mamac bâbâfua manjauc ecneocmuzi qâricfâcne mâmâc ejareocmu. <sup>2</sup> Nânâc Anuturo

naru motecfâc manjaun ejarengopenen me mâcne, ine Anutu manjaun ecnehuc sâcmutâc dânticne renkepene izi mufuaocmu. <sup>3</sup> Anutu manjaun mâc mi ecnezo, sâcmutâc dânticne renkehuc hâcne manjaun ecnezo. Anuturê sâcmutâc dâñ i dâñ ñemâcne aricne. <sup>4</sup> Anuturaonec fuakicne sasawa jañe mârenkonec wiac qamaseengopien, â mârenkonec wiac game wahaekac tâpîri i šâñene mamasaniñ-nâñec.

*Anutu e dânticne dopeckehuc wiac râewec*

<sup>5</sup> Moczi sasanañhec erâ mârenkonec wiac sawa qamaseocmu? Ñic moc e, Jesu e Anuturê Nokâ, inuc muhuc mana šakieocmu eki hâcne inuc eocmu. <sup>6</sup> Jesu Kristo eki hâcne opâhec â sohec fisiwec, opâhec sawa mâcne, opâhec â sohec mâmâc. <sup>7</sup> Mârozi ine fuñne mufuaekac, Mâro e dâñ fâri qizecnere rune hâcne. <sup>8</sup> Irec jahec â moc jañe dodopec gie baengopien: Mâro â opâ â soc. Eme jañe jahec â moczi fuñne-jeñic mocjaha. <sup>9</sup> Ñiczi dâñ dodopec ehuc mupie manapene jâmbomac eekac, â Anutuzi dâñ moc dopeckeme ine fâri rarau jâmbân eekac. Anuturê dodopec dâñ ine Nokâ-ticnere dâñ dopeckewec i hâcne. <sup>10</sup> Moc e Anutu Nokâ-ticne manasiñkeocmu, e Anuturê dâñ fârine mañkeocmu. Moc e Anuturê dâñ mi mana šakieocmu, i Anutu burecñic mucnekac eocmu. Ñic inucnezi Anutu e Nokâ-ticnere dâñ dopeckewec i maname fâri tâmiric ekac hâcne. <sup>11</sup> Á dâñ dopeckewec ine šiñuc fuakac: Anutu e juju sanañ bâfua-nârewec, â juju sanañ irec jâcne ine Nokâ-ticne. <sup>12</sup> Moc e Nokâ

rauckeocmu e juju rauckeocmu, moc e ñokâ mi rauckeocmu e juju wâc mi rauckeocmu.

*Nunumure â sâqocnere dân*

<sup>13</sup> No dân i ñoñe kecşinuc mananiñte qârenke-ñarekopac: Anutu Ñokâ-ticne manasiñkeençopien ñoñe juju sanañ fonçarekac.

<sup>14</sup> Nâñâc şinuc muhuc Anutu bubiañ manacneençopeneñ: Wiac mocte, e jahac maname fokac irec sâcko râehuc numucnepene mana-nâreocmu. <sup>15</sup> Ine hâcne, wiac i me i numucnepene mana-nâreocmu, i manahuc şinuc wâc mananañmu: Wiac numucnekicne i biac rauckençopeneñ.

<sup>16</sup> Ñic moc e âgo-ticnezi sâqocne bame honeocmu, sâqocne hârâcte niñgiñ sanañ-ticnehec i mâcne, ine honerâ ere erâ numume Anutuzi juju hatao râeocmu, ine sâqocne hârâcte niñgiñ sanañ-ticnehec mi baniñmu jañe inuc ejareocmu. Sâqocne hârâcte niñgiñ sanañ-ticnehec i fokac wâc. Inucnere nunumu gie baocte mi mukopac. <sup>17</sup> Juju bapa hehesicne i sâqocne sasawa. Erâ sâqocne gâcne ine hârâcte niñgiñ sanañ-ticnehec mi ekac.

*Mañ mamasu-nâñec fuame Wofuñ fârine şâñitaençopeneñ*

<sup>18</sup> Nâñâc şinuc manañçopeneñ: Anuturaonec fuakicnezi sâqocne mi baocmu. Anutur e Ñokâzi hone maiñ ecneham e sâqocne runezi mi bâuaocmu. <sup>19</sup> Nâñâc Anuturaonec fuakicne, â miti tâmiric sasawa jañe sâqocne rune ere rurumañko fonçopien, inuc manañçopeneñ. <sup>20</sup> Erâ şinuc wâc manañçopeneñ: Anutu Ñokâ-ticne e waharâ mañ mamasu bâfua-nârewecte jâmbomac rune

mana maŋ ecneenḡopenenḡ. Eme jâmbomac rune, Nokâ-ticne Jesu Kristo, eki maŋnâpokac. Eki hâcne Anutu fârine â juju sanaḡ rune. <sup>21</sup> Naru motecfâc-mæ, wofuḡ jawane jaḡere rucgerenḡ-ḡenḡic banšepienḡ.

**Kâte Bible**  
**The Holy Bible in the Kâte language of Papua New Guinea**  
**Buk Baibel long tokples Kate long Niugini**

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-09

---

PDF generated using Haiola and XeLaTeX on 21 Feb 2024 from source files dated 31 Aug 2023

76869875-8293-5126-8b67-c576c145ac3c